



玉介園存稿卷之一

永嘉王叔杲陽德著

詩

乙未

長安別王伋靈三章

翩翩雙黃鵠忽向東西飛隨風長哀吟一步一  
表徊何異同心子相失在中岐二載骨肉親豈  
忍言別離道傍極戀戀欲語涕沾衣川途浩無  
極風烟慘以悲努力崇令德永副平生期



其二

夙駕出都門別子城之隅豈無他人親婉戀心  
自知握手一爲歎忽忽從此辭駟車日遙遙戀  
子猶遲遲鴻鴈雲中來噉噉令人悲所悲復何  
言後會茫無期德音倘不隳聊以慰我思

其三

慘慘西風起駕言返故鄉美人攜玉壺送我臨  
河陽仰瞻雙飛鳧並舉雲中翔翩翩矯羽翻鳴  
聲一何長可憐游客子一別永相忘所悲子  
終別離何足傷結交匪容好相要在中腸殷勤  
眷此語愴惻書別章

觀漁二首

應手扁舟速迴流網作圍晚來風雨急得意已  
忘歸

其二

網集澄江曲漁翁赤雙足慎勿近深潭恐有蛟  
龍觸

攀躄二首

王八園存稿卷之一  
秋水浸苔磯細草綠於髮晚魚不入罾伴鶴坐  
明月

其二

王子擬逋僊捉魚供白鶴但得鶴不飢寧復知  
魚樂

月夜橋上

溪上秋光清可掬草閣亦在新塘曲浩歌清夜  
澹忘歸獨抱明月橋頭宿

丙申

荅王汝舟書

苦憶故人王汝舟殊方替日共登樓只今道路  
空回首聞爾風塵已白頭北極諫書誰復上三  
邊戰馬幾時收山中獨撫雙龍劍會向長安續  
舊游

中秋遣懷

憶昔長安對月華遙憐爲客傷天涯鄉山幾負  
中秋月蕭瑟空歸萬里家已辦山中尋酒侶更  
謀溪上著蘭槎何當此夜仍寥落漠漠愁雲急

暮鴉

歸舟艤石門洞與張中山夏海南劉甌泉  
同游

石門絕壁倚空起上夾蒼松綴明綺飛泉直落  
天漢間東入滄溟幾千里我來倚棹秋風高把  
酒臨風秋興豪更欲攜尊坐絕嶠安得羽翼凌  
青霄

山中秋興六首

頗愛山中景春來已定居茆茨真可賦幽僻最  
便書雲起千峰合烟凝遠岫虛月明如有意夜  
夜到吾廬

其二

長海浮蒼藹三山夾翠華雲移瞻北極潮落見  
平沙百歲終羈旅乾坤卽我家茆廬北岡上夜  
夜卧烟霞

其三

搖落千林淨諸峰迥自高蒼茫窺海島蕭瑟憶  
林皋淡月催詩興黃花擘蟹螯秋溪真似練好

泛木蘭橈

其四

尚憶京華日秋霜沙塞黃風塵我何係雲水信  
相忘抱膝卧玄壑豪吟振大荒幽棲聊仿此莫  
擬卧龍岡

其五

周覽紆遐景登高不用樓乾坤留絕嶠日月走  
洪流寒壑龍蛇蟄晴空鶴鶴游徜徉吾自足何  
必問蓬丘

其六

冉冉流光暮駸駸歲月馳西風老叢桂時雨長  
芳芝霄漢懸遐想風雲起壯思下帷媿前達被  
褐漫憂時

丁酉戊戌

寄友二首

君今在何許黯黯豐江曲風吹落日明雙鳧倚  
江浴

其二

君今在何許赤城散朝霞何時更相見東風吹  
落花

贈汝脩

盛名不難保意得恒易移是以古哲人榮達乃  
所悲念子英妙齡負此逸世資挾策謁承明翩  
翩將有期洛陽昔年少涕淚政事書侃侃董太  
傅青春下重闈丈夫貴立志古達胥沉迷 聖  
朝禮賢渥豈徒榮爾爲管人恥溫飽吾道厭輕  
肥逍遙結羅綺徒耀閭里兒飭躬弗崇毀被褐  
生光輝末俗歎波流願子障其靡行矣恒念此  
勗哉淑其儀我持狂夫言當贈珊瑚枝

書盛月汀卷

盛君結屋古汀隈夜夜嬋娟檻外來影落銀河  
海天淨光搖瓊島水雲開有時擊楫江流轉對  
此酣歌星斗迴老我未能共容與思君長嘯一  
登臺

嘉靖戊戌歲予闢碧霞洞脩流觴水成書  
石上一首

洞門飛雪晝陰陰  
山人高卧碧霞深  
放歌谷口紫芝曲  
拍掌尊前梁甫吟

其二

碧霞洞口水濺濺  
聳翠堆雲

俱峯名

接錦川夜半

僊人騎鶴到洞簫  
吹斷萬峰烟

種松

山中種松春日饒  
蒼雲冉冉迴高標  
翩然海上來白鶴  
時有仙人吹紫簫  
卽喜碧陰暗荒徑  
會看翠頂摩雲霄  
他年此地採苓服  
去訪雲中王

子喬

暘谷子得辭萬松之命  
復歸半山乃與諸友  
陟龍岡之墟烟霞流轉  
恍若飛僊飄然有遺世之思  
遂賦此見志

逸少溪仍在淵明菊未花  
山人走城市葦屋空  
雲霞濩落傷遲暮  
蹉跎感歲華  
瓊臺何日記  
勾漏問丹砂

題扇

山色茫無際蓬壺鬱不分  
漁舟泊晴澈海鳥點



輕雲

聞雁

涼風起天末孤雁獨南翔攬衣步庭除仰視明月光舉酒屬賓朋歡宴夜未央憶昔事遠游客居易水陽迢迢望天末鬱鬱思故鄉噉噉聆飛雁零零露衣裳感之一懷注惻焉棄椒觴往事不可陳終夜徒悲傷

一橋兄種菊盈圃花期將及約余觀焉時余將有山行戲詩促之

君家門對謝池濱處處栽花照葛巾香醪不爲佳晨醉籬下黃花解笑人

其二

昨夜逢人溪水濱共說新裁漉酒巾若待花開留一醉山中應有未歸人

巳亥

元宵雨雪

玉人夜半度銀橋颯沓天花滿地飄天上六鰲今夜駕粧成瓊島放元宵

感鶴唳

烟靄重城濕未消  
月明何處度鳴皋  
青田久已無踪迹  
長夜一聲添沈寥  
嗒歷似能思故主  
飄零無意上丹霄  
飛來伴我山中去  
雲水千層任爾翱

山居春雪

正月七日寒氣驕  
淒風颯颯吹枯條  
瓊花著地夜蕭瑟  
玉榦搖空春寂寥  
窮谷空懷鄒衍律  
萬間苦憶杜陵謠  
脩然歌罷陽春曲  
暖氣融融冰

盡消

燕京謠四首

高皇迅掃犬羊羣  
謨烈承傳十二君  
嗣聖龍飛光列考  
大明禮樂照乾坤

其二

泰陵宮殿鬱蒼蒼  
玉輦經行上紫霄  
直爲宸游親聖德  
卷阿重進召公謠

其三

傳宣大補扇明堂  
祀典春秋配二皇  
仁孝於

昭天下服祖宗功德萬年光

其四

煌煌大詔下重天天下蠲除十八年 聖主仁  
恩真浩蕩海隅朽骨亦生還

久雨和伯兄韻

蕭蕭風雨暗江關書屋遙臨霄漢間俯矚平田  
通碧海却從何處望青山終日倚琴賦招隱長  
年彈鋏懷時艱海內風塵尚如此酒尊何以開  
愁顏

山中樂戲荅六弟

山人自賦山中樂削壁長松開翠幄晴濤返照  
和鳴蟬萬仞岡頭看潮落泠泠溪水繞蘭亭終  
日攜琴弄寒玉淡雲細草連長天不羨澄湖千  
頃綠爾家蘭菊幸無恙何由移植青巒障秋山  
處處列畫屏無花亦作陶元亮山人浩蕩真忘  
家赤脚散髮行烟霞谷口採蘭已盈把瀟湘望  
望烟水斜滄江蘭芽尚未茁六郎休羨庭中花  
倘遇芙蓉開並蒂西風灑淚濕琵琶

憫菊吟四首

積雨空山昏衆卉日以長孤芳闇無光歲寒誰  
共賞

其二

亂莽塞簷除滍流灌原阜托根不得時委落先  
秋草

其三

涼風吹廣庭空山集霜霰貞標幸自持相期在  
歲晏

其四

淵明歸彭澤東籬繁菊英聊以適情性豈爲勞  
其形

山中陰雲無月寄樓居諸君

盛陽麗中天涼氣集帷箔衝風激回波灘聲動  
虛閣神龍卧前淵二儀但冥漠星斗黯無輝皓  
魄隱玄薄緬懷溪上樓江流自紛錯放舟清夜  
游酒尊日相索爛爍波光浮晻靄烟雲廓天地  
異晦明人事忽今昨慷慨只易悲倚徙倦斟酌

題詩寄諸君早從滄洲約

過舅氏園亭

仄徑花間出名園竹裏開  
雪香浮玉宇紫氣鬱  
三台幸入黃公館  
慙非諸葛才  
南陽雲霧重遙  
望讀書臺

招隱篇爲觀海斗山二子賦

淡雲如幃月如鈎  
草虫亂語風颼颼  
懷美人兮  
溪上樓何日歸來兮  
放歌共作清夜游

其二

白露冷冷河漢高  
蒹葭眇眇懸丹霄  
懷美人兮  
聯芳樓何日歸來兮  
驂駕白鹿雲中遨

夜飲岡上

山人結飲臨丹巘  
爛醉狂歌秋夜長  
海上金波  
翻島巖松梢玉露滴  
衣裳鐘鳴野外天  
風動劒  
舞岡頭星斗光  
更喜滄洲新雨過  
放船南下卽  
瀟湘

李王尖行

意吁鬼乎岌兮李王之尖  
鬱崔嵬蓮花淨染青

雲開空濛曉日低波鳥烟霞足下盤風迴旋拂  
吳鈎倚天柱俯從滄海觀蓬萊君不見羅山根  
蟠一百里層巒律律插空起突兀遙憐海上羣  
浮萍數點蒼烟裏噫吁鬼乎岌兮李王之峯高  
無根太華碣石爭嶙峋精靈磅礴真降神嵩嶽  
當年生甫申九龍蟠曲度滄海半空紫氣長氤  
氲我聞崑崙之頂泰山巔羊腸九曲上青天何  
時據劍此山上下瞰四海九州真茫然

李王戰場歌

李王唐宗室也唐末避亂居山中其戰場  
石陣尚在焉楊谷子觀之賦戰場歌

將軍躍馬趨雲間鑿山通道踰八蠻彎弓直射  
飛狐道按劍曾稱虎豹將軍英武本唐裔力  
能拔山氣蓋世當時唐室苦分崩社稷搖搖一  
絲繫六鎮雲擾軍無功九鼎卒陷朱全忠英雄  
無志尚興復窮山獨守悲元戎縱橫石陣已淪  
落暮雨空山轉蕭索父老猶能說戰場壯士空  
憐委丘壑把酒重登古將臺千年劍戟森蒿棘

北風蕭蕭思猛士倚天長嘯秋雲開

戲贈汝脩

冷落文園客風流卽季真有官無飽飯多病每  
留人首著供盤盡絃歌發興新相逢呼瓦醜濁  
酒問比鄰

懷山中諸友

寒凜北風暮淒淒初月懸舉杯思遠道孤鴈落  
長天真擬悲秋賦誰傳招隱篇匡牀愁獨據憶  
爾共談玄

短歌行贈南華

斥鷃自得意翱翔蓬蒿中鴻鵠困阻深局促如  
樊籠一朝搏風起碧漢扶搖萬里雲垂空朝發  
北海湄莫止崑崙東古來豪傑盡如此一時失  
意非終窮丈夫會當遇知己天下未必皆愚蒙  
吁嗟當今伯樂稀駑駘赤驥同羈縻競將魚目  
混明月野雞飽兮鸞鳳飢吁嗟乎世道日趨將  
已矣出門掩袂歌式微

庚子

縉雲道中

挾策當秋暮，羣山夾翠華。  
嵐光蒸作雨，霜葉染成花。  
長路空懷古，歸期已及瓜。  
明朝新水發，天上著浮槎。

江上晚望中川不至

落日催征棹，秋風蕩客衣。  
夾溪霜樹赤，入饌鱉魚肥。  
梓里清砧隔，芝田尺素違。  
孤篷憶顏色，猶似對斜暉。

東湖得太湖石於厚碧山中賦贈六首

東湖東頭草閣開，玄精一丈似蓮臺。  
僊翁日日張瑤席，王母頻頻進酒杯。

其二

蓬萊島上蜃霞生，幻出芙蓉錦削成。  
南海休誇青玉案，君家自有蒼龍精。

其三

曾挽僊槎海上游，彩雲綠霧鬱丹丘。  
波中隱見蒼龍腦，疑是珊瑚拂釣鉤。

其四



玉女高懸霄漢上，丈人峯鬱太華顛。  
薄向雲間瞻衆嶽，直看平地涌青蓮。

其五

僊掌峻嶒覆彩霞，草亭亦是上清家。  
我曾跨鶴扶桑望，玉樹齊開五色花。

其六

長年海國有玻璃，誰曳鰲帆出九夷。  
月黑天門雲黯黯，長風濁浪海神隨。

松臺春望

春臺一望思悠悠，滾滾長江天際流。  
翠嶼巧當山缺處，波光遙接海東頭。  
五湖未遂鴟夷志，三島終尋博望游。  
長夜漫漫歌白石，不如早約築丹丘。

題羅山竹亭

元之黃州開竹樓，杜甫錦江茅蓋頭。  
山人編竹爲新榭，門對沙溪清淺流。

梅霧四塞濕流重，幃竟旦兀坐咫尺艱行。  
庖無積薪厨無濁酒，童子咆哮諸君鬱焉。

懷歸矣於是賜谷子賦慰歸辭以自解授  
筆卽成變賦體也

霧漫漫雨淒淒山人愁卧羅陽溪羅陽溪水白  
浩浩我欲行兮阻途泥蟲唧唧風蕭蕭山人獨  
卧愁蓬蒿蓬蒿莽莽暗白霧我欲行兮寡雲輅  
我有洞兮羅陽我有溪兮泛霞觴有亭兮浮碧  
有飛玉兮懸石梁景紆紆兮路杳杳松亭亭兮  
竹琅琅可棲兮可托終吾身兮可徜徉何爲乎  
淹淹思故鄉故鄉綠萬頃樓閣高雲涼日出兮

雲收山之景兮邃脩脩雨積兮霧塞咫尺不得  
而行游抱薪兮然桂濁酒兮何求我欲行兮懷  
溪上之飛樓噫吁兮出門長嘯兮天將霽雲歛  
歛兮日月重麗山之景兮可游可憩採生柴兮  
可炊酌清泉兮可醉我之終隱兮聯白社於斯  
地彼竹林之逍遙兮而未忘世羗陶丘之隱君  
兮巖居朝議旣托處於巖穴兮何爲乎馳心於  
紛利葛巾草屨兮何必棄官如淵明也去家置  
戚兮我將爲孫登之汗埋也亂曰文豹隱兮澤

霧深神龍卧今雲陰陰坐積濕今無傷心偕七  
賢兮結松林

過瞿溪訪蔣西澗二首

爲愛山翁棲紫霞相過頻上木蘭槎題詩未有  
王維調開徑真同蔣詡家短策行隨青鳥信釣  
磯坐占白鷗沙重來川樹鳴禽變醉倚芳尊玩  
物華

其二

水檻雲軒生夏涼吾廬亦在水雲鄉逃名久作  
烟霞侶玩世慙登翰墨場款款柳條牽雨弱垂  
垂竹篠帶烟長青山隨處堪招隱散髮行歌學  
楚狂

孟春初入山二首

孟春時雨歇旭日散晴嵐晨起理孤棹駕言歸  
舊山斷霞翳脩徑好鳥鳴林間山童悅我至倉  
皇啓柴關雲中舊樵牧迎謁多歡顏聊引尊中  
酒同醉清溪灣今夕已云疲明晨復躋攀閉關  
謝交接白雲相往還

其二

寒衣愛晚晴海霧匝千里羣峰暗復明江村畫  
圖裏落日在遠山織霞映孤壘逍遙曳杖歸華  
星出水底短檠展遺編倦讀凭文几松籟雜湍  
聲偶逐微風起景觸意忘疲慮息神如洗以茲  
幽寂居悟彼清虛理

江上追送見鶴家兄不及寄贈四首

疾風吹征帆茫茫去無路滄江沙難期白日忽  
已暮送君不見君連山起烟霧

其二

烟霧暗前溪迴風激清瀨何處望僊標青山隱  
征蓋遙遙離別情更落青山外

其三

山外有佳色燦燦紅雲開帝鄉日以近桂闕高  
崔嵬相期各努力握手黃金臺

其四

金臺釋褐衣獻策干天子天子方聖明疑旒見  
國士君看董質名燁燁在人耳

王介園存稿卷之二  
江心寺四首

貝闕開孤嶼，金輪壯海城。  
江山雙砥柱，天地一浮萍。  
鐵馬雲中奏，金蓮水底明。  
登臨超萬象，俯檻拂塵纓。

其二

地湧金沙界，天留說法臺。  
僧當鰲背住，門對鹿城開。  
作賦慙滕閣，臨風憶謝杯。  
滄溟浩無極，東望興悠哉。

其三

日出扶桑近，潮平島嶼遙。  
泠然躋絕頂，漸爾逼丹霄。  
笑指江流轉，歌疑地軸搖。  
頻來尋白社，落日一停橈。

其四

形勝歸東越，雙洲負上游。  
中流聞羯鼓，沙岸繫龍舟。  
浪吐中原憤，山含故國愁。  
文山祠廟在，千古大江流。

夜雨

細雨鳴山館，燒燈夜未分。  
電光明壁鏤，香氣結

窗文坐久渾如洗堂虛若有聞  
翛然無一語掩卷對爐熏

曉步

露滴花簷淨雲移竹徑開  
閒披白鶴氅獨上釣魚臺  
野老攜新酒芳尊坐綠苔  
幽懷誰可解沙鳥共裴回

山中懷友人

強發登臨興愁從北嶠看  
年華素服變烟雨酒杯寒  
遣悶長看竹相思欲採蘭  
題詩寄情曲風

葉暮珊珊

山中築臺初成

爲愛雙潭勝寒流曲抱臺  
松端舉棋局樹杪挂新醅  
白日波文動清秋物象開  
烏皮新製几伴我卧蒿萊

聞昭聖張太后哀詔二首

寶障流蘇冷禁屏九宮肅肅見儀刑  
螽斯詠化歸周妣鸞詔馳哀出漢庭  
應憶毅皇承鳳輦漫勞今上祖龍軒  
羣臣灑淚趨仁壽萬國含情

泣 孝靈

其二

憶在 先朝捧御牀五侯同日沐恩光  
宣陪玉輦趨西苑齊插金貂出未央  
戚邸竟虛銅虎錫泰陵誰泣玉魚藏  
春風珠箔留遺恨長遣精靈繞建章

枯蒼別伯兄

仲冬寒氣冽雨雪淹淒淒黃雲暗征路  
沉當長別離行行忽異域戀戀在中岐  
仰瞻雙飛鴈奄奄互相遠相看不能語  
把臂涕沾衣驅車日以遠我懷日以悲  
心旌逐君去日夜同驅馳

玉介園存稿卷之一

玉介園存稿卷之二

永嘉王叔杲陽德著

詩

辛丑

山中釣臺成詩以落之七首

東望滄溟碧漢迴青蓮簇簇映霞開  
翩翩雲闕張華劔管領江山謝眺臺

其二

蒼松翠竹淨芳塵錦水浮臺躍紫鱗  
雲歛波文



搖五嶽夜寒潭影蕩三辰

其三

窈窕玄龜俯碧田懸流如玉淨涓涓雲盤仄磴  
通幽島風捲晴霞濯錦川

其四

波光行日鬪珠纓翠壁流雲麗錦屏跨鶴頻過  
王子晉鳳笙吹徹海天青

其五

輕綸芳餌會稽公水面鰲鬚赤射空閒在扶桑

觀日出釣竿千尺倚東風

其六

桃花流水武陵溪九曲迴塘逐釣磯萬里江山  
晴漱灩水禽晚接彩雲飛

其七

嚴陵釣渚鬱高風渭水終歸佐立功異代勛名  
垂宇宙行藏自分老漁翁

游龍潭寺登大羅山

予本山中人湛冥嗜幽玄閒持一觴酒言陟羅

山顛羊腸蔽蒼莽絕壁摩青天未登四五山已  
歷千萬盤林深散霏雨石斷鳴流泉夾溪竹卉  
暗積徑蒼苔鮮入門見山僧四壁何蕭然行行  
出谷口薄暮遵迴淵大嶽忽西峙雄雄鎮  
長江注東溟諸峰拱金蓮青冥萬里動翠黛天  
中懸秀象乾坤闢巨靈化工宣少小論形勝觀  
茲竊慕焉

山中秋懷寄景暘姪三首

寂寂丘中景寥寥塵外心誰將念離索我亦愛  
幽深秋色雨餘淨浮雲沙際陰居然倦行役終  
此托山岑

其二

攬衣事登眺涼飈吹廣庭依依容色變雲氣石  
林青白露濯秋草寒烟迷素汀懷人此中劇流  
水益泠泠

其三

落日暗林莽雲中猶採苓言念美人遠托此沉  
痾醒恬靜得真素懷憂非性靈聞君學禪寂爲

爾草黃庭

樓上看月

誰家無月色我獨愛東樓  
橋落金鰲影溪橫素練  
秋虛烟浮象外漁唱隱  
中流回首天河近相將  
問斗牛

十二夜橋上酌月

石橋秋夜開清觴  
遙天爽氣浮蒼蒼  
微風不動水波淨  
白露忽下荷衣涼  
雲枝倒射珊瑚影  
玉醖頻傾瑪瑙光  
桂闕漸看添皓魄  
絳河珠斗白

微茫

十三夜酌月景銘姪庭中

長空薄暮散輕陰  
雲捧珠盤出遠岑  
南嶽迴臨光裊裊  
平林遙映綠沉沉  
清談賸有古人調  
把酒聊爲清夜吟  
莫訝月明頻放棹  
謝家兄弟是知音

十四夜泛月

門前秋水淨如天  
西望諸峰隔綵烟  
沽酒打魚看月出  
鳴鏡吹笛下樓船  
光搖銀海寒仍斂  
影

落金罍魄未圓醉後闌風吹八極乘槎欲犯斗  
牛邊

中秋泛湖無月

開尊共愛中秋節放舸中流候月明海嶽雲生  
藏兔魄江門風起撼濤聲衝烟鴈鷺還爭下戲  
水魚龍莫浪驚今夜雲端何處好欲從天柱問  
陰晴

秋暮山中歎二首

西風蕭蕭雨聲急墻頭薄暮炊烟濕採薪童子  
未歸來荷筐自向園中立東籬煮菜開濁醪嗅  
盡黃花無蟹螯牀頭酒錢旬日了怕說前村酒  
價高

其二

霜葉泠泠打茅屋手執青藜夜深讀山童睡熟  
茶竈寒短牀攤衾聊獨宿枕上裁詩朔風起美  
人憶在湘江水夢魂未斷詩未成細雨深林泣  
山鬼

寄衣曲倣初唐體

夫婿戍邊鄉舍淒理繡房衣裳忘舊制長短意  
中量未持金翦心先折手擘輕綿恨並裝憶從  
十五結襦時香車翠被錦羅幃枕邊並刺鴛鴦  
翼裊上交棲翡翠枝枕邊裊上歡未歇翡翠鴛  
鴦情共悅胡塵夜暗紫荊關詔書曉降黃金闕  
長安俠子解輕貂約郎共作交河別戰袍翦斷  
迴文機戎縹緞作同心結結束翩翩五雲騎揚  
鞭一夜歸幽薊君憑疋馬騁縱橫妾返深閨獨  
憔悴商飈幾度綠紗窻燕支未返青絲轡昨夜

征鴻塞上來爲問郎音無一字萬里何因寄  
情漫憑錦服將雙淚素練羞將對藁砧寒閨獨  
掩開香笥君如衣上鍼妾似笥中線君情步步  
爲妾回妾心一一隨君轉已道相牽無斷時誰  
知一去難逢面豈可君腸比鐵鋼可憐妾思真  
絲捲鐵鋼絲捲果誰憑君看衣上淚盈盈可憐  
厚襲情還重只恐寒多意並輕裝成聞鴈轉傷  
情捲帷獨自下中庭河邊牛女雲俱黯天際橈  
槍夜倍明聞道雲中方戰鬪單于十萬度長城

此時不見關山月此夜惟聞鼓角聲莫將賤妾  
牽懷抱決意圖功向北平

步歸半山諸友無一人至者

步歸自闔市夕陽照飛巒樵溪出叢薄荆扉倚  
雲端出谷正重九今來秋已闌庭空黃葉積門  
掩芙蓉殘尊菜萎荒隴細草侵井欄蟋蟀匝階  
鳴淒風飄戶寒蕭條共誰語惻焉起長歎杖策  
步林皋引杯浮清湍因之陟岡阜矯首興遐觀  
閒雲隨卷舒飛鳥相盤桓但得此中趣閒寂情  
所安良朋早歸來一盡平生歡

別友二首

朝與美人期暮與美人隔南浦無停舟北雲有  
凌翮歎念詎能忘沉憂日盈積嚶鳴感時和飄  
風動遺戚室邇怨鄭謠媒勞悲楚什願言眷茲  
土晨昏奉良覲

其二

躊躇復躊躇送子在脩野白日下西山寒陰催  
短序與子結綢繆意氣輕千古握手未云周睽

五介園存稿卷之二  
違自茲始憂思從中來撫衿淚如雨未經別離  
時焉知慕儔侶

冬暮赴齋居二首

棲閒屏紛濁抱痾謝交游欣然就池館宛爾居  
中丘世途日歎噉俯仰生蓄尤河清雖可俟永  
願畢滄洲

其二

蕭蕭掩荆戶冉冉悲流光繁霜下庭葉寒飈戰  
叢篁園林有淒景卉木無遺香願附松柏枝歲  
晚共芬芳

其三

落照翳簾楹寒城隱烟霧寥廓無厭聞清曠有  
真悟觀物惻時遷勞生感年暮不見同心人巡  
簷自微步

壬寅

入山

幽境入冥濛雲軒瑣鬱葱新松低結蓋翠竹細  
鋪叢谷籟停歌外林香倚杖中磴危披欲遍徑

斷轉還通

久雨山中有懷

夜雨曉來急山堂蒸濕雲墻花銷粉黛砌蘚疊  
蒼紋烟樹愁中暝江天望不分無聊對尊酒強  
醉惜離羣

半山四詠

潛虬媚幽渚丹磴俯清瀾靜和滄浪曲間簪紫  
籜冠秋光瀉波影晴雪灑春寒終然謝塵垢  
髮弄雲湍

右濯纓巖

濯纓挹清流攬衣上平麓晚霞水底明遠岫雲  
端綠緇塵染素衣薜荔憶初服結蘭臨高臺清  
風振遺馥

右振衣臺

石坼燒丹竈雲房開竹厨紫烟凝翠篠芳醕媚  
金壺滴露煮新茗攀條烹玉鱸休驚酒尊冷湘  
女正當鑪

右脩竹厨



三才圖會卷之三  
九  
禊筵傳綵帖蘭榭結群芳徑轉通幽谷川迴抱  
曲塘得句依巖勒浮花逐酒香載賡沂水咏一  
引永和觴

右觴咏亭

九日紀游四首

選勝躋名嶽千峰入望來江流盤作帶山翠簇  
爲臺僊掌連雲濕青蓮映日開相將捫斗近直  
欲御風迴

右登大羅頂

息杖投叢薄禪房開翠微雲根清磬發月下老  
僧歸佛火明華座天香繞絳帷翛然人境絕梵  
語寂巖扉

右宿龍潭寺

合沓神龍室千尋石磴盤目光蒸巨壑珠綵媚  
晴巒鱗甲街紋動風雲竇影寒相攀騰八極未  
就紫金丹

右游卧龍潭

絕巘攀條上遙聞雞犬喧雲霞最深處水竹自

成村煮蕨供盤饌烹茶續酒尊留連野人意烟  
火已黃昏

右午餉山家

同鶴泉諸君子集雲麓翁堂賞菊

洛社締佳會陶籬護曲房叢花繡佛頂豔曲舞  
霓裳影亂還當席香飄故入觴不妨長夜飲卧  
落紫霞傷

其二

彭澤賦歸來偃卧柴桑里白衣搗玉壺黃花粲  
文綺輕烟籠淡妝皓露洗芳藥坐憶雲中居千  
枝映秋水

擬秋夜有所思

泠泠白露下遲遲清漏聞涼生羅帶緩夜永繡  
幃分蛾眉畫新月蟬鬢掩秋雲物色知人意空  
房遙夢君

詠鵝翎菊

素質何奇巧玲瓏映玉卮霜凝添粉黛月照媚  
芳姿剪落天孫縷裁成織女絲移來彭澤徑洗

出右軍池弱羽含風捲輕香著露垂莫憐生太  
潔幸避豔陽時

詠紅梅

共有歲寒賞還添粉黛新誰將庾嶺雪勾出武  
陵春匝樹明霞綺飛英亂錦茵攀枝妝彩帳分  
片點朱脣偷艷梁園色慚棲紫陌塵終無調鼎  
用徒自擅繽紛

詠綠萼梅

試看三冬暮浮香一院清花分蒼玉潤萼捧綠  
珠明浥露虬枝軟凌風蝶翅輕祗因愛貞白踈  
影雪中橫

題西溪圖二首

結宇控清潯蕭然絕囂競開襟濯松湍振策沿  
蘿徑林動涼颼來川明晚霞映採苓何處歸雲  
端落清磬

其二

落日照巘鳴中林淨暮氛輕雲染松色錦石媚  
波紋夕景望中盡秋聲象外聞未超闡市累終

棲鸞鶴羣

哭王觀海二首

余友觀海君之亡也余思慕鬱結哀無所  
寄迺敘厥履歷歌以哭之

西風昨夜村枝折寒雲嵯峨霜氣冽自從失我  
觀海君使我心中百憂結憶在京師我少年君  
來奏賦黃金闕我也南奔隴上雲君歸正阻關  
山雪明年海上復逢君賦詩重贈金陵別聲價  
飛騰滿上都萬里相望隔吳越結束東歸已六  
秋君住清溪我巖穴來往舟航不厭頻擊節高  
歌唾壺缺重陽訪菊一見君握手送君成永訣  
壯志真悲驥足摧身後休論鳩計拙寡妻抱女  
未爲貧猶子承祧祀非絕吁嗟今爲君悲歌歌  
聲咽仰天長呼天爲裂

其二

男兒生世亦草草丈夫建立苦不早君年三十  
未致身造化忌才君竟夭吁嗟大雅不復陳可  
憐故宅空文藻海濱作賦君與我君才磊落輕

千古意氣相期凌紫霄窮年偃卧蓬蒿鳴斗酒  
狂呼意未平我歌短歌君起舞今夕何夕如見  
君寒風蕭蕭月在戶吁嗟今出門南望河水深  
悲歌一曲一傷心側身天地誰知音爲君罷鼓  
枯桐琴

游鎗門

縹緲飛巒駕海迴雲門高起鬱崔巍風吹疊浪  
雷霆鬪雨洗千峰錦繡開跨鶴漫隨蒼玉杖控  
鰲笑酌紫霞杯方壺蓬島原如此石髓金精

碧臺

癸卯年  
甲辰

永康逢李郭南自信湯遷柳州廣文三首  
長安逢君英妙年十年猶滯廣文壇相看又道  
瀟湘去余亦扁舟向日邊

其二

凝岫愁雲黯楚都憐君歲晚度蒼梧平崕日落  
交魑魅細雨深林叫鷓鴣

其三

把酒勸君君莫辭明朝回首各天涯魂銷落日  
過梅額心折巴人唱竹枝

月下聞馬孟河尤少室清歌

芳渚憐清夜澄江淨霽氛蘇門傳鳳嘯緱嶺下  
僊羣逸響凝流水清商駐彩雲只疑天上奏翻  
訝月中聞

怡齋詩四首爲兵憲歐陽冲菴公尊人賦  
至人秉幽獨乘化脩道真振衣暢玄風長揖羲  
皇人冥棲息靈性葆貞頤元神脩途豈不事風  
塵互續紛翛然返初服高卧匡廬雲

其二

匡廬矗靈秀丹霞閔幽深陶情屬閒曠卽趣恣  
登臨至樂匪外獎聊以得我心終偕松喬侶結  
跡昇雲岑

其三

雲岑阻攀望旁覽極遐荒儵魚樂淵逝飛鳥薄  
雲翔觀物悟生息履運懷景光意愜道仍在迹  
晦名俱忘靈根發幽桂奕奕垂芬芳

其四

芬芳播區宇怡情方在茲紫芝被空谷彩鳳翔  
天達岩堯青雲路汗漫丹丘期行藏各有造幽  
顯恒相須延齡邁松喬逍遙長若斯

贈沖菴公移鎮蜀省

四嶽登虞佐三巴擁漢旌地雄天府國縣古夜  
郎城王氣標靈境竒觀甲上京過秦懷賈傳論  
蜀憶長卿石棧連雲迴湘流向日平鶯嗁涪霧  
歛猿嘯峽天晴漫訝瞿塘險真看灩澦清錦江  
流惠澤太白並高名卜肆詢嚴子叢祠拜孔明  
旬宣膺重任勲業共蜚聲

贈吾厓王侯應召

山郭鳴琴罷江天仗劍雄恩覃荒服外名溢閼  
垣中人庇甘棠蔭鸞棲枳樹叢烟霄看振翮雲  
路避乘驄鳥舉王喬似僊登景倩同皇風方沕  
穆國運屬沖融青瑣迎春啓黃扉拂曙通掄材  
宣姤命訪道御離宮周典隆三宅虞廷達四聰  
獻書停御筆奏賦洽宸衷衣馥香薰染紗明玉

炬籠烏臺懸皎月象陞肅清風悵別雲如蓋相  
望氣若虹無緣嗟附驥矯首意何窮

雙刀篇書李節推流芳卷

李君夙有雙寶刀光照白日寒吹毛斂以越山  
之砭石淬以崑崙五色之波濤黃金爲鎔赤錦  
縹魚腸出匣風雨號鯨鯢避穴蛟鱷遁百獸懾  
服豺狼逃吁嗟李君試拂拭豐城紫氣干雲霄  
自從射策來承明手持節制東甌城東甌連歲  
苦征役白日豺虎方縱橫吾公慷慨把風紀強  
禦屏息民安生

贈雲巖朱明府膺獎

君侯神格何豐容蟠胸逸氣翻蛟龍壯年承恩  
出宰邑謁帝復入蓬萊宮看花走馬過燕市青  
瑣朝朝見天子折檻真投上闕書剖符曾錫雲  
間履爭看神駿騰赤霄寧料鳳凰先折羽五馬  
相將出漢城雙鳧復下甌江涘君不見展禽三  
黜魯士師伏波當年慚薏苡丈夫致身豈無資  
直道干時每如此君侯意氣上雲霄江湖放逐



王介園存稿卷之二  
原非恥花院重開布政優栢臺馳譽芳聲起賢  
勞爲賦北山詞貞標瑩澈冰壺水蒼生方幸借  
明公 聖王臨軒思國士君臣一德當盛時商  
家舟楫今在茲他年薇省調元氣應憶棠陰滿  
地垂

贈張文洲司理入判京兆

扶桑日動天欲曙永寧江頭走黎庶潮聲噴雪  
海門開渺渺僊槎此中去可憐目斷江北雲可  
憐愁醜江南樹江南江北望悠悠雲樹微茫隔

鳳樓漫道芳聲流越海爭誇春色滿皇州皇州  
春色舊相宜車蓋黃金惜紫薇湛露朝朝霑寵  
渥綵雲燁燁見垂衣垂衣我后本堯舜肝食深  
憂股肱郡百二山河畿甸雄萬里星辰天闕近  
三輔聊將試望之願君努力攄弘蘊他年甌土  
是桐鄉請看棠樹垂芳蔭

送孫斗城令永豐

甌江流水清泠泠酌以飲君無限情吳鈎腰下  
光陸離把以贈君君莫疑憶向長安謁 天子

獻書曾達金門裏新賜官袍出上方復綰銅章  
下燕市百里何當驥足驤九萬雲衢自茲始丈  
夫讀書豈獵榮要令竹帛垂勛名身繫安危泰  
山重眼看富貴浮雲輕莫言民俗今澆薄莫言  
古道今衰落但使經綸運此心坐見淳風轉寰  
廓野人雲卧經幾秋江湖頗抱蒼生憂北闕投  
書未見收復將吾道歸滄洲送君西行思悠悠  
對酒爲君發清謳願君無忘江上流願君常看  
腰間鈎

有懷溪上諸景寄山中同志八首

夜雨應添溪上流蓼花翠竹明素秋江湖未遂  
鯈魚樂嬾惰何心理釣鈎

右憶釣臺

秋溪一道流絳河秋風一曲滄浪歌草衣茸茸  
深紅土飛夢遙遙凌碧波

右憶潭上

平臺新築團翠陰此生無事甘山林何時學得  
孫登嘯萬壑驚聞鸞鳳音

右憶松臺

合沓諸峰迴錦波飛觴片片下銀河一從逸少  
山陰去誰向溪頭弄白鵝

右憶曲水

瓊芝散出五雲花複洞玲瓏護綵霞苦憶松枝  
餐沆漚幾時勾漏問丹砂

右憶洞口

最愛虛潭涵竹亭夕陽歸鳥託梳翎此君遂作  
經旬別解道山靈已勒銘

右憶竹亭

美人盈盈凌素溪秋風三疊舞羅衣多情却爲  
紅妝累只恐來時色已非

右憶芙蓉

三徑寒花半吐英紫螯黃壘無限情臨風細誦  
歸來賦遲我東籬濁酒傾

右憶菊花

贈雲間張王屋二首

吳門悵憶白雲遙萬里趨庭渡浙潮海上僊槎

衝紫極華亭飛鶴向丹霄

其二

河內論才爾獨賢翩翩詞藻落雲烟江湖回首  
風神隔惆悵思君意惘然

適園席上咏雙童吹簫

池館暝烟侵雙簫出洞林聲飄芳砌緩響入紫  
雲深似叶埴篴奏如聞鸞鳳音秦樓餘別調梁  
苑助清吟曲罷長河耿踈鐘和遠岑

題畫冊

複磴摩雲起丹梯入望懸殘林寒野照飛瀑挂  
晴天虛閣孤雲度遙山暮靄連苔紋滋徑滑蘿  
翠滴衣鮮採藥歸玄圃餐芝卧紫烟未能追雅  
躅空自歎塵緣

寄朱松谷

題詩憶爾卧龍湫余亦棲棲滄海頭海內風塵  
稀見面天涯兄弟幾經秋形骸自分歸丹壑懷  
抱于今尚百憂萬里驍騰空自笑龍光腰下看  
吳鈞

乙巳

僊巖紀游五首

谷口艤蘭槎招提入望賒  
金輪輝慧日寶刹闕  
靈霞優鉢林中草旃檀  
象外花冥揆恣夙想延  
佇憶繁華

其二

玄象標龍界僊橋控翠微  
乘春延蠟屐傍暝歷  
巖扉厓瀑神雷鼓林風  
法雨霏憑臨生逸思頓  
爾息塵機

其三

峭壁䟽陰竇靈泉飲白虹  
斷崖飄素練殘雨散  
晴空鑑止天光媚亭虛  
谷籟通將締蘭若約終  
住薜蘿叢

其四

廖廓書臺古欽崙石磴懸  
捫蘿紫霄近披徑白  
雲連道在巘猶馥題標  
碣尚鮮虛潭瑩幽意即  
此悟真詮

其五

五介園存稿卷之二  
化城超迥迹丹嶠儼僊羣想像昇雲馭霏微集  
絳氛洞中餘玉髓石圻闕玄文妙有飛騰意將  
因解俗紛

過雲頂寺別雲峰上人

諸天形勝鬱崔巍才子乘春騁望來法雨細霑  
沙界淨慈雲半護梵堂開烟籠鷲嶺千盤轉日  
照靈泉百道迴酩酊陶翁還解事虎溪相送獨  
徘徊

溪亭八詠

長松結綉幃踈踈弄清影抱策松下行翠滴衣  
裳冷

右翠夾松溪

碧黛漾波光天空湛明鏡莫言半畝塘日出扶  
桑映

右碧凝芳渚

流杯逐迴泉山色杯中照頰仰千載前何如王  
逸少

右石澗流觴

寒玉灌松堤盈盈湛空碧彈棋松下根子落山  
月白

右松堤對奕

峨峨溪中巘雲根激晴雨水流雲不移潺湲看

砥柱

右積水堆雲

流雲覆幽潭奔泉瀉寒峽照日舞迴風空中灑  
瓊屑

右懸崖飛玉

落日照遠天晴江白瀟瀟不見江中颿但見天  
邊鳥

右長海晴空

晚霞弄晴色烟爍金光搖迴標照巘洞隔溪人  
渡橋

右層巒夕照

新月引

簷樹棲烏翠烟暝繡幌寒燈照孤影滿樓新月  
人未歸朱簾怕捲銀鈎冷新月銀鈎空對懸迢  
迢此夜怨嬋娟從茲三五愁俱滿知到何時人  
共圓天上月圓還有缺人間歡會終離別月缺  
人離詎足傷怕結新知舊恩絕曾記當年送別  
時與君對月立須斯盟言暗指青天誓今夜月  
明君自思

山中秋菊盛開諸君高會予抱病不能赴  
悵然有懷

高秋佳麗開芳野霽日壺觴赴草堂白道溪流

紫練碧滿庭山菊吐金黃薜蘿蔓捲通幽徑松  
桂叢生蔭曲塘歡賞定知拚酪酏可無詩句憶  
潘郎

病室夜懷見鶴家兄

摩詰長年住輞川白蘋紅葉水雲鮮論詩近日  
新開社抱病經時獨悟玄蛩語虛堂心並寂鴻  
飛碧落思空懸西堂芳草秋應變池上能無夢  
惠連

湖南四時歌爲徐子賦四首

春日溶溶帶草堂金堤宛轉逐垂楊沙邊日暖  
鷓鴣狎湖面風來水草香

其二

綵雲低映紫莖屏十里紅蓮照眼明唱罷江南  
採蓮曲暖風吹浪畫橈輕

其三

歛艷湖光接素秋夕陽簫鼓下中流霜寒水落  
龜鼉宅葦折沙明白鷺洲

其四



湖靜沙含凍日微  
梅花初綻雪初晞  
扁舟來往  
銀河上釣得雙魚  
換酒歸

丙午

送趙侯齋廉訪入蜀四首

岷峨峰矗錦屏開  
巫峽濤奔天漢來  
日暮雲連  
巴子國春風草長  
漢王臺

其二

杜陵詩句照乾坤  
夫子風流海內聞  
三峽烟花  
今寂寞千年題品  
更逢君

其三

諸葛勲名滿蜀都  
百年形勝想雄圖  
瞿塘石陣  
今存否絕壁兵書  
信有無

其四

劔南閣道總竒觀  
對酒休歌行路難  
到得巴陵  
春正好五雲北望  
是長安

黃南華社兄讀書淨社寺戲柬

故人高卧城西岑  
閉門風雨秋陰陰  
幾年結社  
從初地此日精脩  
入定林雲翻講幄  
諸天近日

照香爐法界深試借筵前功德水憑君一爲洗  
塵襟

泊石門憶別諸弟

百曲清溪望轉悠寒山落日倍離憂相思正值  
西風急一夜歸心逐去舟

江上候潮

經旬烟雨曉初晴又恠西風挾浪生坐對枯篷  
愁脉脉錢塘江上聽潮平

夜泊廣陵不寐懷六弟

僕僕歲將晚寥寥宵未央身將家漸遠愁與路  
俱長旅泊傷鴻迹途窮憶鴈行惟應清夜夢隨  
月到君傍

北風詞

北風吹沙胡鴈鳴黃河水落冰如陵征夫北向  
鴈南征此時起坐憂心并朔雲漠漠書難憑幽  
閨有人愁寒更

鳴鴈曲

塞鴈向南征嘹嘹天際鳴西風吹不斷遙度浙

江城殘月照冰白寒霜如雪明征人懷往路思  
婦望歸程旅夜愁多緒閨寒夢屢驚此時聞去  
鴈并作斷腸聲

清源除夕呈席上諸君

日轉江流映雪明畫船簫鼓總離聲椒盤旅邸  
愁相對萍迹尊前喜暫并秉燭休辭今夜醉思  
家應動隔年情白雲何處迷南望紫氣遙瞻接  
鳳城

玉介園存稿卷之二

玉介園存稿卷之三

永嘉王叔臬陽德著

詩

丁未

泊靜海舟中月下懷南華

關河千里共行舟明月相思隔暮洲欲把愁心  
寄江水迴波總向日邊流

渭河舟中呈陳東冶王曉山

渭河日暖柳條新鼓柁乘流又問津漫惜明時

違紫紱喜看歸路伴青春  
江上映日流輕綺細  
草含風動綠塵遙憶江南  
烟雨霽芳洲清漲待  
垂綸

篷上小酌

草暗芳堤不動塵  
葛巾瀟灑放歌頻  
寒烟高柳供佳句  
細雨歸舟逐暮春  
瀟瀟重湖遙入望  
嚶嚶鳥故依人  
銜杯休羨江南樂  
客路風光到處新

晚眺感懷三首

夾溪楊柳靜依依  
秀黛橫堤翳落暉  
狂客歸舟無限興  
綠雲堆裏錦颿飛

其二

嘈嘈蛙鼓亂郊阡  
谷谷鳴鳩更可憐  
濛雨霏烟看不斷  
江南好是落花天

其三

茅齋遙寄白雲端  
萬樹蒼松蔭碧湍  
忽見綠陰歸興劇  
悞令身世逐儒冠

途中聞警後書事

歸舟夜泊聊城縣夜半俄傳上連變饑烏亂號  
風怒號黃塵蔽空日無覓是時狂寇勢頗猖警  
報星馳傷郵傳倉卒曹州已被圍吳悞官軍那  
敢戰黎老曾無覩鏑鋒愚民總爲妖魔扇已聞  
解圍趨濟南復道長驅向河汴慷慨欲棄終軍  
繻忠憤猶思魯連箭 朝廷威靈四海宣蠢爾  
妖氓敢騰煽會看撲滅在須臾羽檄何煩走畿  
甸濟上中丞但閉關反使居民互驚眩漕臺舉  
事亦周張移牒沿途早聲援長路征徒頗戒嚴  
窮村丁壯俱徵選又況下吏緣爲奸家家門戶  
誅求徧山東一郡纔構兵江北諸州已流轉國  
家有事點民丁空遣稅糧供武弁祿食誰爲赤  
子謀此事無由訴 朝院近聞遺孽盡翦除醜  
酒椎牛列高宴汶濟休馳平寇書江淮好繪流  
民獻胸中狂憤數千言便欲排闥叫金殿

沛上逢水至將抵彭城喜而有作

時序變初夏鳴禽傷客心川迴齊境盡雲繞漢  
臺陰新漲綠平野遙山青遶林江南如在眼先

賦綠蘿吟

舟中晚望

旭日散朝靄晴光媚遠天隴苗青濯露堤柳綠  
沉烟歸棹逗洄浦離憂驚逝川非因傷瓠落流  
滯惜芳年

發淮河遲王曉山陳東冶梁月川不至悵  
然有懷

萬里欣同濟長河悵獨征望隨飛鳥沒愁逐暮  
雲生白浪掀空起寒燈逗浦明相思一水曲延  
佇若爲情

廣陵別竹巖叔父三首

風塵爲客已經年江上歸思落日懸却羨輕舟  
度京口無端又上秣陵船

其二

白雲南望阻庭闈游子臨岐淚濕衣爲說客途  
能強飯仲秋見月是歸期

其三

安石歸颿直指吳獨憐小阮向留都廣陵日暮

離心折漠漠寒烟唳鷓鴣

初至雞鳴山居

夙昔慕微尚結屋南山岑  
偶落金陵市因棲支遁林  
耽幽澹歸興聽鳥寂禪心  
自信塵緣薄茲丘諧素襟

睡起

虛堂夢初破四簷唳鳥喧  
依然棲舊墅翻訝卧祇園  
輕風傳梵樂旭日映丘樊  
對此聊微咏幽懷誰共論

齋居見月有懷

銀燭輝輝冷畫屏  
擁衾獨坐思泠泠  
開窻見月遙相憶  
今夜清光徹斗城

山齋閒詠四首

山城夜雨動微寒  
短褐蕭蕭嬾戴冠  
習靜已能觀定慧  
時開禪室借蒲團

其二

新晴木末度輕雲  
隔院風迴梵樂聞  
綠蔭滿庭清晝永  
閒拋書卷對爐熏

其三

森森芳樹護幽樓  
夾徑新篁綠漸齊  
半掩柴門無客到  
巡檐緩步聽鶯啼

其四

山閣鳴鐘晚更清  
林中犬吠夜烏驚  
坐久漸看山月白  
微吟徐起繞廊行

山齋獨坐懷友人不  
至詩以招之

投迹寄空門  
幽懷日虛泊  
境寂山氣佳  
日午庭陰薄  
新鶯未停轉  
初篁漸舒籜  
愛此林樹芳  
窈

然坐丘壑  
故人萬里至  
約我移觴酌  
今朝風日熙  
乘閒眺虛閣

憑虛閣眺望十韻

飛閣控諸天  
憑虛俯帝堦  
九衢雲外直  
雙闕望中懸  
樹擁山光近  
霞開霽色鮮  
皇居標麗日  
梵宇出浮烟  
都會當窻盡  
星文矗斗偏  
五侯紛綺宴  
列館沸朱絃  
賜第雕甍合  
妝樓紫陌連  
花枝空晉苑  
柳葉暗吳阡  
慷慨悲前代  
風流感昔賢  
偶因龍藏隱  
欲擬鳳臺篇



過憑虛閣遇秋厓上人道舊暇日過訪詩  
以贈之

虛閣相逢話夙緣支公玄度思翩翩雲盤紺宇  
開僊籙香斷金爐悟上禪望近三山連白社談  
空五蘊對青蓮勞君數問椿庭事苦海投簪已  
十年

過弘濟寺

輟輿臨脩甸褰衣涉水湄岕懸江路斷潮落岸  
沙危遠樹含晴藹垂蘿蔭碧滋憑高舒壯觀延

賞愜幽期

燕子磯

危島嵌玄洲登臨豁醉眸驚濤連地湧遙海合  
天流亭敞隣蛟室霞開倚蜃樓江山信竒絕選  
勝足淹留

其二

形勝歸鍾阜豪華惜往時寒城一以眺風物轉  
堪悲江憶皇圖鞏山憐霸氣哀惟餘吳苑樹長  
護壽亭祠

觀音閣

冥海標霞觀靈嵯掛石堂鴻濛凌倒影滉流動  
浮光水月禪心澹烟波望眼蒼迷津如可渡一  
爲借慈航

其二

飛磴入江濱虛窻絕垢氛朝霞變海色瑤草暗  
峰文颿拂楹前樹杯停渚上雲無論蓬島勝卽  
此任僊羣

徐氏西園

側徑重重轉危橋曲曲通樹交當夏密花發借  
春紅別院聞嬌鳥閒庭繫玉驄坐深微雨過檐  
際落烟虹

登報恩寺塔

金陵自昔稱佳麗紺宇嵯峨倚天際金碧遙分  
明月輝罽窻時駐祥雲氣祥雲明月競芳妍秀  
黛空濛萬里懸琉璃細矗金蓮座玫瑰齊攢繡  
佛筵瓊花的爍紫丹綺天章垂耀紛無已曉日  
暉騰鍾阜烟夕陽影倒秦淮水疊拱飛甍入窈

冥盤龍儀鳳架雕楹夜懸玉璣春星亂風動檐  
鈴天樂鳴迢迢積翠橫孤島綠藹沉沉映江草  
複磴層緣近紫霄危欄俯瞰低飛鳥已按星文  
據地靈誰遣神工奪天造憶昔高皇起建康  
掃除六合開天荒是時四海盡寧謐一朝圖籙  
歸文皇更築浮圖標王氣重開功德照迷方  
我來正屬芳華歇懷古臨風壯歌發玉樹庭邊  
烟草深雨花臺上縻蕪沒六代興亡掌底論萬  
里山河望中絕龍象雄蟠亘古存奕奕英靈壯

金闕

雨花臺

雨花臺何青青陰蘿古木橫翠屏誌公說法梁  
王聽前車渡淮水後騎出龍庭絳帷紫蓋盤青  
冥是時登臺演真乘天花散落香風輕我來金  
陵事幽討聚寶山前問遺老臺前不見雨花芳  
但見寒烟莽衰草梁家卜世寶塔如一葉金甌  
竟難保苦海重罹是業緣恨不當時捨身早臺  
城窮卧何伶俜此時誰乞誌公靈幻迹千年俱

窈冥君不見  
雨花臺何青青

鳳凰臺

今在徐氏西園

帝城遙接鳳凰臺  
公子園林傍郭開  
四面河山猶錦繡  
六朝陵闕盡蒿萊  
雲中樹色迷燕望  
天際江流入楚來  
滿目烟花題不得  
臨風空羨謫僊才

牛首山

雙峰縹渺碧霄臨  
絕壁香臺自古今  
日射珠輪懸倒影  
風飄僊梵落虛音  
諸天積翠迎飛觀  
萬嶽排青入定林  
曾是伽黎傳法地  
只今芳靄盡陰陰

獻花巖

林端紫邏埋陰竇  
石上霏霞敞法臺  
游客偶過披草坐  
鳴禽猶似獻花來  
雲扶殿閣空中見  
日照山河鏡裏開  
到處逢僧談出世  
千年刳迹已塵埃

宿祖堂留贈海天禪師

千巖樹色帶斜暉  
石磴緣蘿蔭翠微  
入座光風

翻貝葉隔簾香  
靄護鉢衣曾飛僊  
錫開龍界偶  
謁空王宿梵扉  
獨夜山中羣籟寂  
海天秋月悟  
禪機

石頭城

萬里長江枕石頭  
千年虎踞帝王州  
叅差粉堞  
依危磴迤邐丹梯上  
戎樓落日烏嗥吳樹冷  
斷雲草翳晉宮幽  
不須重問偏安事  
今日車書聖澤周

後湖

六朝臺榭蔓荆榛  
湖上重來倍愴神  
最是多情堤畔柳  
翠眉猶作舊宮顰

別高叔崇四首

仲夏林木變愛此黃鳥鳴  
同聲宛相和  
悵然懷友生  
良辰忽以改歡會難久  
并征夫理鞍轡  
夙駕侵晨星停驂酌君酒  
湛湛芳尊盈

其二

尊盈豈不飲離緒紛難任  
送子陟岡阜浮雲布  
輕陰悠悠遵往路  
默默涕盈襟  
豈無同門友念

子意彌深游鱗戀新侶飛鳥懷故林湘江浩無  
涘衡嶽何嶽崙願因秋風起惠我瑤華音

其三

華音諒非阻握手無前期人生若蓬轉安能長  
相依丈夫意氣合何必同衾帷結交托容好對  
面隔山谿感君綢繆意忽忽不忍離君其保貞  
素慰我長相思

其四

相思鬱以紆川途異吳楚緬懷歸舊京邂逅同  
羈旅年運苦易徂朱明播炎暑情好中道分停  
雲獨延佇伊君逸世英弱齡振芳緒矯矯鴻鵠  
翔翩翩鸞鸞翥相期肅羽毛雲霄勿輕舉

別魏汝亭

十年學道媿無聞久住山中卧紫氛湖海論交  
情乍合風烟悵望手重分殊方落日倦爲客旅  
夜殘燈頻夢君知爾再來秋已暮相思遙寄秣  
陵雲

送駱龜峯歸嶺南二首

海內斯文瞻領袖山中雅會惜分襟澄江明月  
孤颿遠萬里相看共此心

其二

白雲飛斷楚天秋鼓棹中泠正穩流兩岬青山  
看不盡唵風弄月到羅浮

送楊方石歸蜀五首

送君西去渡巴渝秣陵山中愁索居蜀水吳山  
千里隔相思何處寄雙魚

其二

江門曙色動新秋歸客乘潮下石頭欲折楊枝  
遠相贈正逢搖落倍離愁

其三

竹下相過意未闌野葵脫粟共君歡禪關今夜  
無人扣獨對城頭片月寒

其四

旅邸相看別恨長江雲隴樹轉微茫他年倘念  
同遊處風雨雞鳴夜對牀

其五

丹青畫出是岷峨錦水東流澆碧波明月歸舟  
無限興猿聲三峽夢中過

讀汪盛山遺稿

盛山先生棲紫霞詩名當日滿三巴風流儼續  
高人傳文藻空遺處士家巫峽天長雲擁樹瞿  
塘春盡鳥啼花杜陵一去無高咏誰爲江山領  
物華

將發金陵留別山中同志

白雲起天末游子懷故鄉僕夫夜在門雞鳴戒  
嚴裝長當別知友離緒結衷腸憶昨赴京邑與  
君共翱翔朝出並蓋游暮歸宿蓮房顧慚蕭艾  
姿欣承蕙蘭芳歲序倏流邁炎明變微霜情好  
膠漆投一旦成參商依依旅魂寂悠悠往路長  
行行忽異域悒悒涕沾裳孤陋我心惻別離詎  
云傷君其念寡昧楚然惠瑤章

渡江寄金陵諸友

飄風西北來歸棹東南去颺忽下長江龍關渺  
何處歸思千里馮顙雲離愁一片金陵樹金陵



樹色秋已黃馮顙寒雲曉更蒼萬里相思何處  
寄百年交誼詎能忘渭柳堤邊攜手日海榴花  
下別離觴

吳門歌二首

吳門自昔擅豪華迢遞青樓擁絳紗盡日吳儂  
無別事攤錢買醉是生涯

其二

漪袖湘檐映碧堤笙歌處處酒船移吳姬玉腕  
輕搖櫂閒倚篷窗掠鬢絲

重陽永康舟中同伯兄作

一尊聊復對重陽強摘茱萸繫佩囊且喜鄉關  
將入望漫憐客路已侵霜沙邊倚棹慚鷗侶江  
上瞻雲逐鴈行苦憶舊游零落盡山中叢菊爲  
誰芳

戊申

贈王十嶽

十年勞夢想一見許心知正惜論交晚先驚計  
別時雲山同我癖懷抱向君奇萬里飛騰意相

看髻未絲

過伏虎菴訪石室上人用十嶽韻

誅茅開覺路訪舊構禪亭  
虎去林遺跡龍歸壑  
尚腥四山空翠合一望  
海雲冥眼界真無礙  
幽棲思獨冷

江涯歌爲陸都閩賦

長江西來萬餘里金焦截嶼江中起  
蟠曲龍山抱甕城天設金湯奠南紀  
日轉星羅河漢流鯨吞鰲掣坤維徙  
長風吹天雲晝冥驚濤噴射三

山傾我昔乘風破巨浪宛如滄海觀蓬瀛  
將軍自是機雲後門傍三山對江口虛牖晴浮日月  
光絳帷夜聽蛟龍吼奕世勳名照上都海嶽鍾  
靈信非偶君才磊落間世英虹霓蟠胸氣衝斗  
邇來提兵甌栝間海隅喜拜將軍顏瘴海蠻烟  
一劒掃九山日落旌旗間君不見邊關歲晏黃  
沙起羯奴橫行數千紀壯志平吞朔漠雲洗兵  
願挽黃河水天王推轂思雄才將軍名上凌  
烟臺功成拂袖歸去來江涯舊業生青苔

巴西

夏夜二谷四谷邀飲適園次海壇韻

炎景日遲遲名園洽所知危橋通複磴錦石嵌  
華池鳥雜歌聲細魚驚燭影移酒闌還待月零  
露下庭枝

山齋菊百餘本甚茂賦之

九華初入咏百本殿秋光風葉含英秀雲莖結  
綺芳蜨至交銜翠蜂棲並戀香幽姿自可念況  
復近重陽

雲巖子歌

雲巖子少有大志挾奇術游江湖有年矣  
惜其藝博而鮮售乃復歸老於雲巖頃以  
堪輿家說來游甌中謁余登華蓋山頂眺  
海上諸山因歌贈之

吁嗟危乎枯山萬疊高崔巍巨靈磅礴何雄哉  
綵雲繽紛散五綵丹崖千尺芙蓉開中有山人  
鍊金液結茅乃在山之隈山人自昔有奇抱餐  
霞被褐身懷寶憂國會投北闕書匡時兩拜西

征表公卿門前恥干謁拂衣復入雲巖老閉戶  
時開萬卷餘壯游直欲窮三島頃來訪我東甌  
城華山頂上談囊經海上雲山盡入手茅龍同  
跨窮滄溟橫絕四海丈夫志斥鷃決起槍榆鳴  
雲巖子我爲子歌君且聽男兒要爲國砥柱要  
爲霖雨濡蒼生不爾且作名山行安能卑棲槁  
巖穴白頭瓠落嗟無成傳巖蟠溪久寂寞只今  
夢卜俱無憑芒鞋布袍已結束與爾同追向子  
平

贈台南馮地師

嗟余束髮論形勝囊經秘文曾讀竟南走禹穴  
北太行到處山川歸藻鏡海內閱人余頗多剽  
談膚說皆蹊徑台南地師云姓馮頃來訪我甌  
城東道衣古貌年尚壯長髯晢晢掀天風杯酒  
雄談陟華蓋海內四顧收羣龍甌中形勝遍披  
閱江上雲山迴奇絕憑君指出更分明秘訣分  
明對君說平生好奇君獨投山中屢月同淹留  
明朝忽動故鄉思餐霞復返赤城頭丈夫壯志

歷五嶽豈肯齷齪終一丘秋來約我鴈峰頂與  
爾相期浩蕩游

癸丑

王十嶽將行余製短榻贈之侑以一詩

殊方兄弟結交親爲惜臨岐勸酒頻贈別遠遺  
高士榻相看誰是獨醒人幾宵風雨勞清夢一  
枕烟霞了性真海內只今眠未穩莫耽高卧竟  
沉淪

春日過江心寺時郡伯龔鴻洲公命僧修

葺

水晶殿閣敞慈雲獻歲重來萬象新地借龍宮  
雙嶼合塔頭鰲極半江分綺疏瀹灩搖晴練城  
堞蒼茫映斗文正悟浮生悲苦海願從寶筏渡  
迷津

其二

琳宮對起媚中川欲濟時乘一葦便巨浸兩涯  
看砥柱澄江雙朶澆金蓮爭傳寶籙脩真界頻  
訝旌幢禮法筵爲郡風流推渤海幾時荒徼息

狼烟

秋日郊居郡伯龔公見過

郊原秋色暮蒼蒼自愛衡扉傍曲塘忽訝省方  
來渤海還因訪舊過柴桑瀚波喜見鯨鯢息梓  
里爭傳草木光願采兒童迎竹唱聊同擊壤頌  
時康

奉陪鴻洲公舟中夜宴

長河秋水灌堤流一望遙天宿靄收月濺空明  
搖綺席山迴積翠夾行舟傳觴露坐吟偏洽偃

藏宵征興轉幽何幸僊游同李郭媿無藻咏蒼

曹劉

甲寅

邑侯一石周公爲見鶴家兄構鶴林亭成  
攜觴落之和西華家兄韻二首

清世藏名卧碧山元公結勝共躋攀百年高誼  
孤亭迥一榻清風午夢閒步入山花迎蓋舞坐  
深野鶴聽歌還習池飲罷宵鐘動不信茲游在  
市寰

其二

東郭堂開獨擅名共攜野酌慶新成夕陽滿  
客初到宿鳥投林山更清竹露潤霜移舞席松  
風響遍雜歌聲翛然已得山陰趣肯向紅塵負  
此生

病居僊巖寺邑侯羽泉劉公攜觴過訪時  
公將有內召余亦計偕北上酌酒言別

一秋多病卧文園暫向禪房學避喧玉節喜逢  
臨野寺金魚願借鎮山門名崖可自留芳藻飛  
瀑那堪對酒尊回首雲霄千里隔幾能此地共  
攀援

送龔鴻洲郡伯擢湖廣憲副

幾年五馬駐山城此日衡陽擁漢旌越嶠雲凝  
華轂遠湘江波暖錦颿輕激揚早係中朝望經  
畧真看薄海清荆楚古來形勝地卧龍勛業共  
蜚聲

乙卯

浦東雜咏十六首爲九嶽王文賦

息機願爲農躬耕輞川曲萬頃黃雲平一犁春  
雨足千載鹿門翁遺安仰高躅

右傳耕堂

虛亭寄層皋徙倚朝還暮倦鳥投暝林黃花湛  
晨露感此懷夙心細誦淵明賦

右歸來亭

危樓聳林薄紫翠分交加時騁萬里目不斷四  
時花羣僊儼來集靈氣閱朝霞

右常春樓

幽居抱沖素境寂煩累絕間披老氏書悟想自  
怡悅白雲散前楹長松挂新月

右清靜軒

芳樹蔭平臺幽森更虛靜風來廣樂聞月弄華  
池影奕罷澹忘歸翠滴荷衣冷

右松臺

渭川春雨過一片青琅玕葉密藏山暗林深生  
夏寒自得王猷趣何須問主看

右竹坡

芳菲集林囿誰誇金谷園牽雲葉更碧映日花  
逾繁開尊洽清賞相對澹無言

右桃李蹊

五柳覆廻塘宛如彭澤里弱縷弄輕陰高條拂  
霞綺散步愛晚涼樹杪蟬聲起

右柳塘

芙蓉蘸清波浮香溢芳砌盈盈粉黛新冉冉水  
容媚摘葉瀉濁醪涼風滿襟袂

右芙蓉池



叢桂秋已繁廣庭散霞縠芳姿浥露華微風薦  
遺馥瑤琴花下鳴如聞月中曲

右桂花鴨

名園列嘉木不異洞庭林春花粲芳玉秋實懸  
南金賓朋時載酒香風坐來侵

右橋林

芳林逗幽徑逶迤轉花間興來曳杖去夕陽滿  
前山徘徊悵孤影閒雲同往還

右獨往徑

層崖挂危磴步入白雲深風葉亂晴雨烟蘿團  
暝陰不見往來迹但聞樵唱音

右白雲額

西村鄰別業景色晴逾曠堤草漫寒烟隴麥泛  
層浪遠山涵夕波前溪起漁唱

右西村

郊原乍舒眺新稼已盈疇野淨虛烟白川明微  
雨收偶逢村翁話復茲永日留

右外村

荒臺浸秋水日夕弄烟波波光湛空碧烟霞澹  
青莎閒狎白鷗侶靜和滄浪歌

右河上臺

丙辰

送項華林北上四首

沙樹含雲宿雨收晴江瀟瀟送行舟紫荊庭下  
花如錦耐可乘春賦遠游

其二

翩翩征旆拂東風  
驛路山花照馬紅  
年少攜家休悵別  
津亭柳色似河東

其三

吳關日暖戍烟青  
寶劍長歌入帝京  
別後正逢春草綠  
與君同繫惠連情

其四

兄弟總能文  
海內爭誇是鳳羣  
羨爾承恩綵毫春  
深鳳池雲

宿瀛海驛見月有懷同行諸君

十年已就南山隱  
萬里猶懷北闕書  
僕馬終宵驚旅夢  
風塵到處宿蘧廬  
寒庭見月懷新侶  
遠道逢君憶故墟  
解道世情渾解脫  
今來底事逐征車

京師呈黃南華兄

故人一別六年餘  
每向山中歎索居  
肯信高情因宦減  
獨憐詩律爲愁踈  
玉京春色霑恩近  
故國雲山入望紆  
別業近營鄰水竹  
何時同釣越

其二

翩翩征旆拂東風  
驛路山花照馬紅  
年少攜家休悵別  
津亭柳色似河東

其三

吳關日暖戍烟青  
寶劍長歌入帝京  
別後正逢春草綠  
與君同繫惠連情

其四

君家兄弟總能文  
海內爭誇是鳳羣  
羨爾承恩年最少  
綵毫春染鳳池雲

宿瀛海驛見月有懷同行諸君

十年已就南山隱  
萬里猶懷北闕書  
僕馬終宵驚旅夢  
風塵到處宿蘧廬  
寒庭見月懷新侶  
遠道逢君憶故墟  
解道世情渾解脫  
今來底事逐征車

京師呈黃南華兄

故人一別六年餘  
每向山中歎索居  
肯信高情因宦減  
獨憐詩律爲愁踈  
玉京春色霑恩近  
故國雲山入望紆  
別業近營鄰水竹  
何時同釣越

溪魚

再過竹院訪陳海樵聞避迹山中次韻招  
之

洞門終日鎖烟霞春入園林景自嘉看竹重來  
誰是主尋常到處卽爲家欲追僊屨逢人問每  
出雲篇對客誇何日歸來尊酒共東風開遍一  
庭花

丁巳

江上送張甌江表叔入判京兆

江瀕載酒逐征航共送張衡入帝鄉詞賦早  
誇題柱客風流爭羨畫眉郎平生憤世休談劍  
此去憂民願覆觴遙憶春風吹棣萼長安賜第  
有輝光

送周若水往金陵訪邢古愚

春歸越海靜風烟羨爾江湖興浩然笈內靈編  
懸象緯腰間寶劍動星躔遠尋邢邵過鍾阜應  
憶王維卧輞川莫向故人論出處瓊臺久已列  
羣僊

戊午

夏日同沈青門諸君竹林讌集次韻二首  
憑高開竹塢登眺豁煩襟市隱自成趣高賢時  
一尋松雲結晴綺花霧散輕陰莫惜夕陽盡幽  
懷入夜深

其二

叢林敞高會虛亭生夏涼聽歌藉細草刻句試  
新篁澄江遙對席暝鳥故催觴定知歡未足已  
負月華光

其三

把酒愜平生看君無限情詞誇金谷麗人儂玉  
壺清細竹偏迎珮香芹可絮羨頻來訪幽獨露  
坐葛衣輕

山寺晚眺

偶來山寺居獨抱陳編閱雖牽鴻鵠心幸與市  
囂別積雨生晝冥虛窻更幽絕時復對山僧焚  
香話生滅步出愛晚晴雲端見初月遠山翠靄  
重春洲綠醅發

已未

挹芳亭新成喜而賦之

香臺新構倚平岡四顧山光入座蒼絕壑雲埋  
松檜老古壇春駐薜蘿香林間流水通丹井檐  
際霏霞護法牀坐對屏梅亭前結梅爲屏幽意愜祇看  
歲晚殿羣芳

贈沈青門山人短榻

山人長夏卧江城短榻新裁寄遠情欹枕花間  
因得句解衣池上忽聞鶯微酣最愛歌聲細倦

擁偏宜旅夢清隔院松濤驚覺後起來涼月滿  
前楹

讀季父仁山翁褒忠錄

江左衣冠奕世傳季翁壯節老彌堅東山雅望  
推安石淮水長驅慕謝玄一旅敢支瀕海難孤  
忠獨荷 聖朝憐只今香火遺祠在儀像瞻依  
倍愴然

陳東江內兄出鎮海上過訪寺中時余方  
構南洲草堂

久住禪房遺世情閒依雙樹聽流鶯忽聞野外  
鳴騶至起傍山門曳履迎仗鉞幾年勞遠戍銷  
兵何日事春耕草堂新構幽棲穩湖上同尋鷗  
鷺盟

冬日過仙巖喜碓房初屏崖徑一新有感  
於溪山之遇漫賦

殘冬挈伴訪柴扉嵯磴空冥瀑雨霏幾樹踈花  
含凍影四山落木淡斜暉新開幽洞穿青嶂重  
闢荒蹊歷翠微不有袁安今出鎮時兵憲袁定  
山公命官屏

去碓房

誰令泉石倍光輝

辛酉

仙巖禪房新成四月八日適會安期書示  
禪衆

佛日祇園結勝因檀林虛淨隔芳塵老僧相見  
曾摩頂沙界頻來欲舍身五蘊已空超彼岸三  
生未了尚迷津本來面目何須認行坐如緣總  
性真

月夜同青門海壇諸兄游仙巖

扁舟湖上月華明夜入巖扉思倍清古木團雲  
侵砌冷晴厓飛雪灑衣輕耽幽獨抱烟霞癖攬  
勝同懷江海情對境豈應無藻咏輞川久已待  
雲卿

玉介園存稿卷之三



